

صراط مستقیم

در سعادتمند باب عالی جاده سنده
اداره مخصوصه
محل ازاره:

الخطار:
مستقیمه موافق آثار جدید مع المنهجیه
قبول اولتور
درج ابدلی بن آثار اطده اولتور

دین، فلسفه، ادبیات، حقوق - عموم دن باحث هفته لق رساله در

مؤسسلری : ابوالعلا زین العابدین - ح . اشرف ادیب

سنه لکی	القی آیانی
۶۰	۲۰
۸۰	۴۰
۸۰	۴۰

درسه دنده

ولایاتده

ملاک اجنبیهده

تاریخ تاسیسی :

۱۱ نمرز ۳۲۴

در سعادتمند نسخه سی ۵۰ پاره در

قیرلادن مقوا بورو ایله کوندریلیرسه سنوی
۲۰ فروش فضله آلنیر

در سعادتمند پوسته ایله کوندریلیرسه ولایات بدلی اخدا اولتور.

عدد : ۳۴

۱۳ ربیع الآخر ۳۲۷ پنجشنبه ۲۰ نisan ۳۲۵

ایکنجی جلد

هانکیسی ارباب حل و عقد و اولیای اور طرفندن ارجح

کوریاورسه اجراسی واجب اولورمی ؟ کتبه الفقیر

السید محمد ضیاء الدین

عفی عنه

مجلس عمومی ملی قرارنامه بیدر

بیک اوچ یوز یکر می یدی سنه سی ربیع الآخرینک یدنجی و بیک
اوچ یوز یکر می بش سنه سی نisanنک اون دردنجی صالی کونی ساعت
القی بحقده اعیان و مبعوثاندن مرکباً مجلس عمومی ملی حالنده اجتماع
ایدن هیئته اوقونان وزیر شیخ الاسلام محمد ضیاء الدین افندی
امضاسیله ممضی بولنان قنای شرعیده مندرج شقیندن خلع جهتی
رحمان مدلل ایله بالاتفاق ترجیح و قبول اولنه رق سلطان عبدالحمید
ثانی خلافت اسلامی و سلطنت عثمانیه دن اسقاط و ولی عهد مشروع
محمد رشاد افندی حضرتلری سلطان محمد خان خامس عنوانیه مقام
خلافت و سلطنته اصعاد و اجلاس ایدلشد.

صراط مستقیم

بخشایش السهی اولان حریمیزی یدمزدن غصب ایچون ایکی هفته
اول اوریلان ضربه استبداد « صراط مستقیم » ی چیقاران اقلام
حیتک تعطیل مساعیسه بادی اولدبغندن آبنونه لرمله قارئین کرامک
عفوینی نیاز ایدرز. « صراط مستقیم » دور مشروطیت ایله برابر
طوغمش ، استبدادک چیزدیکی اگری خط حرکت ایچنده یورومه مک
عهد و میثاق ایتش بر غزته اولدینی ایچون ایکی هفته امتداد ایدوب

عبدالحمید بنیمنک قلمده دایر طرف مشیخت مبدوده و بیدوده
قنای شریفنک صورنیر :

امام مسلمین اولان زید بعض مسائل مهمه شرعییه
کتب شرعیه دن طی و اخراج و کتب مذکوریه ی منع
و خرق و احراق و بیت المالده تبذیر و اسرافله مسوغ
شرعی خلافتده تصرف و بلاسبب شرعی قتل و حبس
و تغریب رعیه و سائر کونه مظالمی اعتیاد ایلد کدن صوکره
صلاحه رجوع ایتک اوزره عهد و قسم ایتشکن یمینده
حادث اوله رق احوال و امور مسلمینی بالکلیه مختل قیله جق
فتنه عظیمه احداثنده اصرار و مقاتله ایقاع ایتکله منعه
مسلمین زید مزبورک تغلبینی ازاله ایتد کاردنه بلاد اسلامیه نک

جوانب کثیره سندن مزبوری مخلوع طانید قلیینه دائر
اخبار متوالیه ورود ایدوب مزبورک بقاسنده ضرر محقق
و زوالنده صلاح ملحوظ اولمغین زید مزبوره امامت
و سلطنتدن فراغت تکلیف ایتک و یا خلع ایتک صورتلرندن